

Aukeratu proposatzen diren bi gai hauetatik bat:

1. gaia: Klubetik kanpoko jokalaria?

Egoera:

Gutun hau jaso duzu etxean:

Bazkide hori:

Gure eskubaloi-taldeak txapelketa asko irabazi izan du. Azken urteetan, ordea, emaitzak txarrak izan dira. Horregatik, orain arte ez bezala, klubetik kanpoko jokalaria fitxatzea pentsatzen ari gara, baina aurretik zure iritzia ezagutu nahiko genuke.

Besteak beste, jakin nahiko genuke zuretzat garrantzia duen ala ez jokalaria klubekoak izateak. Eraginik izango luke, zure ustez, klubeko jokalariaengan? Era berean, eskertuko genizuke adieraztea zein diren alde ala aurka egoteko dituzun argudioak.

Zure erantzuna laster jasoko dugulakoan, mila esker aldeztu aurretik.

Mundakan, 2016ko maiatzaren 10ean.

Eskubaloi-klubeko presidentea.

EGITEKOA:

Eskubaloi-klubeko presidenteari erantzungo diozu zure iritzia emateko.

2. gaia: Laguntza-zerbitzuan langile gutxiago

Gutun hau jaso duzu etxean:

Bezero hori:

Badira bost urte laguntzaile bera joaten zaizuela etxera, egunero, guraso ezinduekin laguntzera. Orain, langile-kopurua murriztu behar dugula eta, jakinarazi nahi dizuegu laguntzailea astean ordu gutxiagotan joango zaizuela. Dena den, jakin nahiko genuke zein arazo sortuko dizuen aldaketak, eta horretarako zenbait datu behar dugu erabakia hartu aurretik:

Zer-nolako garrantzia du zuentzat jasotzen duzuen laguntzak? Zein zereginetan laguntzen dizue egunero langileak? Garrantzitsua da zuentzat langile berarekin jarraitzea? Zergatik? Aldatzekotan, nolako ezaugarriak izan beharko lituzke berriak?

Zuen erantzuna laster jasoko dugulakoan, mila esker aldeztu aurretik.

Legution, 2016ko maiatzaren 10ean.

ELKARREKIN laguntza-zerbitzuko arduraduna.

EGITEKOA:

Laguntza-zerbitzuko arduradunaren gutunari erantzungo diozu etxeko izenean.